

## DECRETA

### DE LIBRIS PROHIBITIS

#### NEC IN INDICE NOMINATIM EXPRESSIS.

Cum non omnes libri, qui vi Constitutionum Apostolicarum, aut decretorum Congregationum S. Officii, et Indicis prohibiti sunt, singulatim describi in Indice propter eorum ingentem numerum possint; necessarium visum est, hujusmodi libros ad certa quædam capita revocare, ac per materias de quibus agunt, eorum veluti Indicem conficere, ut, si quod circa librum aliquem in Indice non descriptum, aut in Regulis ejusdem Indicis non comprehensum, exoritur dubium, intelligi possit, utrum inter prohibitos sit computandus.

#### §. I.

*Libri ab Hæreticis scripti, vel editi, aut ad eos, sive ad Infideles pertinentes prohibiti.*

1. Agenda, seu formulæ precum, aut Officia eorundem.
2. Apologiæ omnes, quibus eorum errores vindicantur, sive explicantur, et confirmantur.
3. Biblia sacra, eorum opera impressa, vel eorundem annotationibus, argumentis, summariis, scholiis et indicibus aucta.
4. Biblia sacra, vel eorum partes ab iisdem metricè conscriptæ.
5. Cædendaria, martyrologia, ac necrologia eorundem.
6. Carmina, narrationes, orationes, imagines, libri, in quibus eorum fides, ac religio commendatur.
7. Catecheses, et catechismi omnes, quamcumque inscriptionem præferant sive librorum abecedariorum, sive explicationum symboli apostolici, præceptorum decalogi, sive instructionum, ac institutionum religionis christianæ, locorum communium, etc.
8. Colloquia, conferentiæ, disputationes, synodi, acta synodalia de fide, et fidei dogmatibus ab eisdem edita, et in quibus explicationes quæcumque eorum errorum continentur.
9. Confessiones, articuli, sive formulæ fidei eorundem.
10. Dictionaria autem, vocabularia, lexica, glossaria, thesauri, et similes libri ab iisdem scripti, sive editi, ut Henrici, et Caroli Stephani, Joannis Scapulæ, Joannis Jacobi Hofmanni, etc. non permittuntur, nisi deletis iis, quæ habent contra religionem catholicam.
11. Instructionum, et rituum sectæ Mahumetanæ libri omnes.

#### § II.

*Libri certorum argumentorum prohibiti.*

1. De materia auxiliorum divinatorum libri, vel compositiones ex professo, vel incidenter; aut prætextu commentandi S. Thomam, vel quemlibet alium doctorem, aut alia quavis occasione, tractantes, impressi nulla obtenta licentia a Congregatione S. Officii.
2. De beatæ Mariæ Virginis conceptione libri omnes, conciones, disputationes, tractatus impressi post annum 1617, in quibus asseritur, B. Virginem Mariam cum originali peccato conceptam esse; vel in quibus affirmatur, opinantes, B. Virginem fuisse in originali peccato conceptam, esse hæreticos, vel impios, vel peccare mortaliter.
3. Declarationes, decisiones, interpretationes Congregationis concilii Tridentini, earumque collectiones tam impressæ, quam imprimendæ, e mentito ipsius Congregationis nomine.
4. De controversia exorta inter episcopum chædondensem, et regulares Angliæ libri omnes, et singuli tractatus impressi, sive manuscripti, et omnia alia, quæ spectant directe, vel indirecte ad prædictam controversiam. Per hoc autem decretum nihil intendit sacra Congregatio statuere de meritis causæ, vel ulli auctori, aut operi ignominiam aliquam, vel notam malæ doctrinæ inferre.
5. De doctrina libri Cornelii Jansenii Episcopi Iprensis, qui inscribitur *Augustinus*, libri omnes, et libelli, aut epistolæ tam impressæ, quam manuscriptæ, seu in posterum edendæ, et publicandæ; in quibus illa eo modo damnata, quo eam damnavit Alexander VII, vel ut est in V. propositionibus damnata, propugnatur, vel quomodolibet approbatur, aut defenditur.
6. De Constitutione *Unigenitus* Clementis XI. libri, aliaque scripta; in quibus illa subdole eluditur, temere carpitur, aut contemnitur, et impugnatur.  
*Item libri, sive libelli vel scripti, vel typis editi, aut edendi in deferensionem libri inscripti: Le nouveau testament en françois avec des reflexions morales sur chaque verset; aut alio titulo: Abrégé de la morale de l'Evangile, etc.*  
*Item actus, sive instrumenta appellationum quæcumque a Constitutione Unigenitus ad concilium generale; nec non judicia theologorum, aut facultatum theologiarum, sive academiæ, earumque deliberationes, consultationes, acta, decreta; quorumcumque etiam aliorum mandata, ordinationes, arresta, epistolæ; interpretationes etiam, et declarationes, ac scripta quælibet, quibus explicationis, aut alio quovis prætextu aliquid dicitur, vel scribitur, quo diætæ Constitutionis robur, atque auctoritas, et obligatio minui, aut infringi possit.*

7. De duellis agentes libri, litteræ, libelli, scripta, in quibus eadem duella defenduntur, suadentur, docentur. Si qui vero hujusmodi libri ad controversias sedandas, pacesque componendas utile esse possunt, expurgati, et approbati permittuntur.

8. De Joannis Calà asserti anachoretæ prætensa sanctitate, miraculis, vaticiniis, visionibus, aliisque hujusmodi signis libri, codices, et folia quæcumque sive manuscripta, sive impressa.

*Item* omnia et singula transumpta, seu copię tam impressæ, quam manuscriptæ decreti a vicario generali cassanensi emanati, per quod idem vicarius ausus fuit definitive pronunciare, eundem Joannem fuisse in quasi possessione cultus, atque ideo in eo manutenendum.

9. Libri omnes immunitatem bonorum ecclesiasticorum impugnant.

10. De laminis plumbeis arabico sermone, et antiquis characteribus conscriptis, ac in cavernis montis Illipulitani, dicti sacri, prope Granatam repertis, et de scripturis in turri Torpiana ejusdem civitatis inventis, libri omnes, tractatus, responsa, consulta, commentarii, glossæ, additamenta, annotationes, et quæcumque alia, sive manuscripta, sive typis impressa. Alii vero libri, sive tractatus, qui ad alia argumenta spectant, obiter vero de his laminis, vel de earum doctrina tractant, permittuntur, expunctis locis, quæ de his laminis agunt.

11. De SS. Apostolis Petro et Paulo libri omnes tam impressi, quam manuscripti, in quibus assertitur, et defenditur, quod S. Petrus et S. Paulus sunt duo Ecclesiæ Principes, qui unicum efficiunt: vel sunt duo Ecclesiæ catholice coryphæi, ac supremi duces summa inter se unitate conjuncti: vel sunt geminus universalis Ecclesiæ vertex, qui in unum divinissime coaluerunt: vel sunt duo Ecclesiæ summi Pastores, ac Præsides, qui unicum caput constituunt; atque ita explicantur, ut ponatur omnimoda æqualitas inter S. Petrum, et S. Paulum, sine subordinatione S. Pauli ad S. Petrum in potestate suprema universalis Ecclesiæ.

12. De vera, et non interrupta successione filiorum S. Francisci, et de vera forma capitii ejusdem libri omnes impressi, et qui inconsulta sacra Congregatione imprimuntur, tractantes hanc eandem controversiam.

13. Pasquilli omnes ex verbis sacre Scripturæ confecti.

*Item* Pasquilli omnes etiam manuscripti, omnesque conscriptiones, in quibus Deo, aut sanctis, aut sacramentis, aut catholice Ecclesiæ, et ejus cultui, aut Apostolice Sedi quomodocumque detrahitur.

14. Libri omnes agentes, ut vulgo dicitur, *delle venture, e delle sorti*.

### §. III.

#### *Imagines, et Indulgentiæ prohibite.*

1. Imagines cum laureolis, aut radis, sive splendoribus, eorum, qui

neque canonizationis, neque beatificationis honore insigniti sunt a Sede Apostolica.

2. Imagines Domini nostri Jesu Christi, et Deiparæ Virginis Mariæ, ac angelorum, evangelistarum, aliorumque sanctorum, et sanctarum quarumque sculptæ, aut pictæ cum alio habitu, et forma, quam in catholica, et apostolica Ecclesia ab antiquo tempore consuevit, vel etiam cum habitu peculiari alicujus ordinis regularis.

3. Imagines, numismata insculpta pro confraternitatibus mancipiorum Matris Dei, italice *Schiavi della Madre di Dio*, sodales catenatos exprimentia.

*Item* libelli, in quibus eisdem confraternitatibus regulæ præscribuntur. Confraternitates autem, quæ catenulas distribuunt confratribus, et consorioribus, brachiis, et collo circumponendas, atque gestandas, ut eo signo Beatissimæ Virgini emancipatos se esse profiteantur, et quarum institutum in eo mancipatu præcipue versatur, damnantur et extinguuntur. Societatibus vero, quæ ritum aliquem, aut quodcumque aliud ad emancipatum ejusmodi pertinens adhibent præcipitur ut id statim rejiciant.

4. Imagines, catenulæ, folia, libelli pro usu confraternitatum sub invocatione SS. Sacramenti, B. Mariæ Virginis immaculatae, et S. Josephi sub titulo *Gregis boni Pastoris* erectarum, et in quibus representantur homines penduli a Christo, a sacra Pyxide, a B. Virgine, a S. Josepho, et a quovis alio sancto.

5. Imagines ubi representatur puer Jesus in sublime elatus, et sub ipso tres Ecclesiæ doctores, et in locum aliorum trium (qui representantur in imaginibus ejusdem formæ jam pridem impressis) substituti sunt tres presbyteri regulares cum his versibus: *Jesu doctorum intima, qui nubes ignorantie pellis virore gratiæ, etc.*

6. Imagines, sive depictæ, sive sculptæ, sive impressæ Joannem Calà quocumque sanctitatis, vel beatitudinis signo representantes.

7. Imagines, ubi representatur B. Virgo cum Filio in medio duorum sanctorum societatis Jesu, quorum uni tradit librum, alii rosarium cum hac inscriptione: *Deipara Virgo cum Filio inspirat, commendatque Societati Jesu institutionem sodalitatum, et officii, rosarii que usum.*

8. Inscriptiones omnes imaginum SS. Francisci et Antonii de Padua, in quibus dicitur, formam habitus, qua depicti sunt, esse eandem, qua ipsi usi fuerunt: vel in quibus assertitur, in hoc, vel illo ordine S. Francisci esse veram, legitimam, et non interruptam ejusdem S. Patris in filios successionem.

9. Indulgentiæ omnes concessæ coronis, granis, seu calculis, crucibus, et imaginibus sacris ante decretum Clementis VIII. an. 1597, editum *de forma indulgentiarum.*

*Item* indulgentiæ omnes concessæ quibuscumque regularium ordinibus, confraternitatibus secularibus, capitulis, collegiis, aut eorum superioribus.

ribus, ante Constitutionem ejusdem Clementis VIII. *Quaecumque* d. 7. Decemb. 1604. et Pauli V. *Romanus Pontifex* d. 13 Maji 1606, et *Quae salubriter* d. 25 Novemb. 1610, revocatae sunt, atque apocryphae habendae, nisi ab iisdem summis Pontificibus, aut eorum successoribus renovatae, ac confirmatae fuerint.

10. Indulgentiae concessae coronis S. Birgittae ab Alexandro VI. declarantur apocryphae, et nullius roboris, ac momenti: sine praedictio tamen indulgentiarum a Leone X, dictis coronis concessarum vi. Id. Julii 1515.

11. Indulgentiae concessae crucibus S. Turibii ab Urbano VIII. tamquam falsae habendae sunt.

12. Indulgentiarum libri omnes. diaria, summaria, libelli, folia etc., in quibus earum concessionem continentur, non edantur absque licentia S. Congregationis indulgentiarum.

## §. IV.

*Quaedam ad Ritus Sacros spectantia quae prohibita sunt.*

1. Benedictionis omnes ecclesiasticae, nisi approbatae fuerint a sacra Rituum Congregatione.

2. Exorcismorum formulae diversae ab iis, quae praescribuntur in regulis ritualis romani, et earumdem usus, absque praevio examine coram Ordinario.

3. Litaniae omnes, praeter antiquissimas, et communes, quae in breviori missalibus, pontificalibus, ac ritualibus continentur, et praeter litanias de B. Virgine, quae in sacra aede Lauretana decantari solent.

4. Missalis romani omnia exemplaria alterata post edictum Pii V. praesertim quae *Venetis* apud *Junctas*, *Sessas*, *Mysserinum*, et ad *Signum Syrenae*, atque *Europae*, et quoscumque alios impressa sunt ab anno 1596.

5. Officia B. Mariae Virginis, vel sanctorum, aut sanctorum, aliaque hujusmodi absque approbatione S. Rituum Congregationis edita, vel edenda.

6. De ritibus sinicis, eorumque controversiis, aut illorum occasione exortis, libri, libelli, relationes, theses, folia et scripta quaecumque post diem I. Octobris 1710 edita, in quibus ex professo, vel incidenter, quomodolibet de iis tractetur, sine expressa, et speciali licentia Romani Pontificis in Congregatione sanctae et universalis Inquisitionis obtinenda.

7. Rituali romano additiones omnes factae, aut faciendae post reformationem Pauli V., sine approbatione S. Congregationis Rituum.

8. Rosaria quaecumque de novo inventa, aut invenienda, sine opportuna S. Sedis facultate, quibus authenticum rosarium Deo, et B. Mariae Virgini sacrum antiquaretur.

## MANDATUM

S. M. LEONIS XII ADDITUM DECRETO SAC. CONGREG.  
DIE XXVI MARTII MDCCXXXV.

Sanctitas Sua mandavit in memoriam revocanda esse universis Patriarchis, Archiepiscopis, Episcopis aliisque in ecclesiarum regimen praepositis, ea quae in regulis Indicis sacrosanctae synodi Tridentinae jussu editis, atque in Observationibus, Instructione, Additione, et generalibus Decretis Summorum Pontificum Clementis VIII., Alexandri VII., et Benedicti XIV auctoritate ad pravos libros proscribendos abolendosque Indici librorum prohibitorum praeposita sunt, ut nimirum, quia prorsus impossibile est libros omnes noxios incessanter procedentes in Indicem referre, propria auctoritate illos e manibus fidelium evellere studeant, ac per eos ipsimet fideles edoceantur quod pabuli genus sibi salutare, quod noxium ac mortiferum ducere debeant, ne ulla in eo suscipiendo capiantur specie ac pervertantur illecebra.

## MONITUM

SAC. CONGREG. EDITUM DIE IV MARTII MDCCCXXXVIII.

Sacra Congregatio in mentem revocat omnibus Patriarchis, Archiepiscopis, Episcopis, Ordinariis et Inquisitoribus locorum id quod praescribitur in Regula, inter editas jussu S. Conc. Trid. N. II. his verbis: *Haeticorum libri qui de religione ex professo tractant omnino damnantur*. Et ea quae mandavit S. M. Clemens VIII in instructione de prohibendis libris sequentibus verbis — § VI. — In universum autem de malis, et perniciosis libris id declaratur atque statuitur, ut qui certa aliqua lingua initio editi, et deinde prohibiti ac damnati a Sede Apostolica sunt: iidem quoque, in quacumque postea vertantur linguam, censeantur ab eadem Sede, ubique gentium, sub eisdem poenis interdicti, et damnati.

## MONITUM

SAC. CONGR. EDITUM DIE VII JANUarii MDCCCXXXVI.

Cum ad S. Congregationem certo relatum fuerit, sacratissimos Bibliorum libros vulgari sermone nonnullis in locis typis edi, quin saluberrimae de ea re leges serventur, cumque inde pertimescendum sit, ne, quae hominum nequam hisce praesertim temporibus conspiratio est, errores sanctiori divini eloquii apparatu obvoluti perperam insinuentur; censuit eadem S. Congregatio, revocanda iterum esse in omnium memoriam, quae alias decreta sunt, vernaculas nimirum Bibliorum versiones non esse

permittendas, nisi quæ fuerint ab Apostolica Sede approbatæ, aut editæ cum adnotationibus desumptis ex sanctis Ecclesiæ patribus, vel ex doctis catholicisque viris (ex decr. S. Congr. Ind. 15. Jul. 1757 in addit. ad Reg. Ind.): iis præterea omnino insistendum, quæ per Regulam quartam Indicis, et deinceps ex mandato S. M. Clementis VIII. in eam causam præstituta fuerunt.

#### ADDITIO NOVISSIMA.

- Cum Sanctissimus Dominus Noster Pius PP. IX. Constitutionem quæ incipit *Apostolicæ Sedis*, die 12. Octobris anno 1869 ediderit, in qua censuras aliasque ecclesiasticas pœnas antea tempo latas partim servandas, et partim moderandas vel abrogandas decrevit, in omnium fidelium memoriam ad rem revocandum duximus: nempe

1.º Excommunicationi latæ sententiæ speciali modo Romano Pontifici reservatæ subiacere omnes et singulos scienter legentes sine auctoritate Sedi Apostolicæ libros apostatarum et hæreticorum hæresim propugnantes, nec non libros cujusvis auctoris per Apostolicas Litteras nominatim prohibitos, eosdemque libros retinentes, imprimentes et quomodolibet defendentes.

2.º Excommunicationi latæ sententiæ nemini reservatæ, de qua in Decreto S. Concilii Trident. sess. IV. sermo est, illos tantum obnoxios esse, qui libros de rebus sacris tractantes sine Ordinarii approbatione imprimunt, aut imprimi faciunt.

Cæterum tum Regulæ Indicis S. Synodi Tridentinæ jussu editæ, tum reliqua subsequentiâ additamenta, firma et in suo robore permanent, his tantum exceptis quæ binis articulis superius memoratæ Constitutionis *Apostolicæ Sedis* minime congruunt.

#### DECLARATIO.

Etsi post definitum sub die 8. Decembris 1854 de immaculata B. Mariæ Virg. conceptione fidei dogma, quædam Opera quæ de illa agebant, et in Indicem librorum prohibitorum relata sunt, ab ipso expungi debuissent, tamen hac in re nihil immutandum visum fuit, eo quod ob alia etiam motiva proscripta fuere; et ideo declaratur ex ea parte qua immaculatam B. M. V. conceptionem respiciunt, eamque propugnant, prohibitioni non esse obnoxia.

## INDEX

### LIBRORUM PROHIBITORUM

#### A

- Abaelardus, seu Abailardus Petrus. *1 Cl. Ind. Trid.*  
Abano (de), seu de Apono Petrus. *Geomantia. Append. Ind. Trid.*  
— *Heptameron, seu Elementa magica. App. Ind. Trid.*  
— *Et ejusdem de omni genere Divinationis Opera. App. Ind. Trid.*  
Abauzit M. *Réflexions impartiales sur les évangiles, etc. Decr. 29 Aug. 1774.*  
Abbadie (Jacques.) *Traité de la vérité de la religion chrétienne. Partie I, II et III. Decr. 22 Decemb. 1700, et 12 Mart. 1705.*  
Abbecedario, Catechismo, modo di servire la S. Messa, formole di preghiere, ecc. *Decr. 11 Junii 1827.*  
A B C *id est libellus tractans rudimenta Religionis, et duo tantummodo Sacramenta commemorans. App. Ind. Trid.*  
A B C *latino, vel flandrico idiomate, ubi secunda pars Salutationis Angelicæ mutata est, et omissis verbis: Sancta Maria Mater Dei, substituta sunt hæc alia: Maria mater gratiæ, mater misericordiæ. Decr. 9. Sept. 1688.*  
A B C (I), etc. *Vide la Raison par alphabet.*  
ABHANDLUNG von Verbrechen und Strafen. Eine gekrönte Preis-Schrift nebst angehangten Lehrsätzen aus der Polizey-Wissenschaft, welche Joseph Edler van Montag... vertheidigen wird den 5 Juli.... Altstat-Prag.... gedruckt bey Joh. Jos. Clauser.... anno 1767. *Latine: Tractatus de delictis, et pœnis. Libellus præmio donatus, cui annexæ sunt Theses ex scientia politica, quas Joseph nobilis de Montag.... defendendas suscipiet die v. Julii... Vetero-*